

Kuht Nuh Kwewa Sollac

Sel Elder Jeffrey R. Holland

Ke U luhn Mwet Sap Singucul Luo

Tamuhlwel, ke ohiyacn tamuhlwel lasr uh, nga finsrak in sramsram suwohswohs na pwacye ofong. Nga sang sramsram suwohswohs ingacn pac nuh sin mukul fuhsr ke Aaronic Pristut.

Ke kuht sramsram ke wolacnaiyen Aruhrruhma Se Met lal Joseph Smith ah, kuhtuh pacl uh kuht ahkwoye lainyuck sensen ma tuhkuh met liki uh, sie lainyuck ma srihke in kuhnahoslah tuhlihk mukul sac fin kuh tuhsruhke ke kuhtwena atac in tulokihnyac fwackyuck se ma ac fah tuhkuh ah. Kuht tiac enenuh in sramsramkihn mwet lokalok, ac nga tiac luhngse sramsram kuhnuhl, tuhsruhke puhlakihn lal Joseph fuhsr ahkacsmakihnye kuht ke ma mukul nuh kwewa, weacng mukul fuhsr nuh kwewa, ke walihl se inge enenuh in esam uh.

Ma se met, Setuhn kuh Lucifer kuh Pahpah tuhmwacn Ma Kikiyacp---finne kom pahnglol fuhkah---el pwacye, mwet na pwacye se ke ma koluk uh. Ma el oruh uh oasr ke ma koluk nuh kwewa, ac el mukwikwi ke atacn kahlwem in molwelah, ke nuhnak ke ma pwacye uh. Ahkluo, el pa lain ma pahtpaht ke luhngse luhn God, Iwaclah luhn Jisus Kraist, ac orekma ke mihs ac molwelah uh. El ac fah lain ma inge ke oacna sie pacl kuh acn el kuh an. El etuh lah el ac fah kuf ac sisilac ke sahflahiyac uh, tuhsruhke el kena us weluhl mwet nuh kwewa ma el kuh in us uh.

Na meac kuhtuh mukwikwi luhn setuhn ke akuhtuhn se inge ke moul ma pahtpaht uh oasr in mwe sensen uh? Puhlakihnyuck se ke Insack Muhtahl sac sifilpac luti yohk mihsenge. Joseph el suhmuhslah lah ke sie kuh in lain ma nuh kwewa ma oan oasr met uh, Lucifer el sang “sie mokleyuck na lut nuh fuck oacna in kapriyac lohuk oruh nga in koflah sramsram.”¹

Setuhn el koflah in uniyac sie mwet. Pa ingacn sie sin ma puhkantwen ma el koflah oruh uh. Tuhsruhktuh kuhiyac in tulokihnyac orekma uh fah eis mwacta el fin kuh in kapriyac lohun mwet yohk luhlalhfongi la uh. Tamuhlwel, fin pa ingacn atac sac, nga suk ofong mukul fuhsr ac mahtuh ma nuhnkuh yohk ke mweun se inmahsrton ma wo ac ma koluk inge in wi ac sramsram in yohk. Kuht oasr ke mweun, ac ke mihnit ekahsr tohkoh inge, nga luhngse oruh sie mwet sukok mwet in mweun.

Yac nga enenuh in ononkihn kuhtuh lain in on ke “Kuht Nuh Kwewa Sollac?” Kom etuh, lain soko ke “Kuht inge sano solse; suc ac fah sulaclah in wi?”² Pwacyena lah, ma wo emet ke pahng in mweun se inge pa lah kuht *tiac* siyuck ke mwet luhngse wi lihkcasihkkihn lihkcasihk kuh kihpwack pam ke paho. Moh, kuht luhngse mwet in mweun pucspucs suc ac fah eis oacna mwe mweun nahtuhlos “kahs nuh kwewa ma tuhkuh lun inwaclun God uh.”³ Oruh nga suk ofong ke misineri ma ac tiac sulaclah in kapriyac lohohlos tuhsruhke tuhlah, ke Nguhn luhn Leum ac kuh luhn pristut lalos, ikucslah inwacluhlos ac sramsram usrnguck. Kain sramsram ingacn, tamuhlwel emet ah tuh fahk, pa ma inge pa ma ke “orekma yohk ke luhlalhfongi uh, ac fah oreklac.”⁴

Nga siyuck yohkna nuh sin mukul fuhsr ke Aaronic Pristut an in muhta suwohs ac in akiklen. Nuh suwos, lwelah ngan akuhlahihsiyac ma oacna oruh se ke sritacl uh. Akuhtuhn nuh ke moul-

ac-misac se pa inge ma kuht lain mwet lain uh ma sruhngwac kowos ac sruhnga orekma se inge, oruh nga ac apkuhran nuh in motowos kuhtuh, infoac nuh ke infoac, ke fihrihr fal se inwaclihk in fuhrweack inyemtacl kuhtuh---oacna ke mwet kol sritacl uh oruh ke sritacl uh tari ac kalmeyacn itto uh pa ma nuh kwewa. Ac ke sritacl an srwackna orek uh meac mwet kol sritacl se inge fahk nuh suwos an pa, in sritacl ke u se inge, kuhtuh suwos enenuh in nwacsnwacs in mahno kuhtuh likina kowos oruh inge. Ke mweun inge inmahrton ma wo ac koluk uh, kowos tiac kuh in sritacl nuh sin mwet lokalok oacna sie pacl ke mwe sruhf uh tuhkuh uh, na nuhkuh in nuknukyang nuh sin Mwet Lahngo ke tempuhl ac ke pacl in misin in oacna in wacngihn ma sikyak. Oruh sacn, kawuck fuhsr luhk, kowos tiac kuh in oruh. God el ac fah tiac isrucnyuck.

Oruh oasr elyah se lasr, nga ac kom. Ma se ingacn pa oasr Aaronic Pristut tausin---mukul fuhsr mahtuhyak ma oasr tari ke ma sihmlac luhn Alu uh suc sulacлах un mwet nuh ke kuhlwaconsap luhn misineri ke pacl fahsruh uh. Tuhsruhk ma upac uh pa in oruh tiki, mwet luti, ac prist in muhta fokoko ac nwacsnwacs fal in akmuhsraiuyucklac nuh ke elder ac kuhlwaconsap oacna misineri uh. Oruh kuht enenuh mukul fuhsr ma oasr tari ke u an in *muhta* na kac ac tiac srowoht srome ke kuht enenwe kowos in sroacng ac sritacl ke kuhiyowos! Apkuhran ke akuhtuhn nuh kwewa ke sritacl ma nga etuh uh, oasr lain ma sroallah infohk ah kuh ke acn in sritacl an lun acn ma mwet sritacl nuh kwewa enenuh in muhta na loac in sritacl. Leum el srolwacлах lain ke suwohswohs nuh sin mwet ma pahng in orekma Yohrohl ke orekma se inge. Wacngihn misineri kuh in tiac auliyak ke ma tahfonglac ke kosro kuh kahskahs koluk kuh kena ke petsac koluk ac nuhkuh in kalyei mwet sahyac in auliyak ke ma ingacn! Kowos tiac kuh in oruh ohinge. Nguhn lac fah tiac wi kowos ac kahs uh ac fonosyac inkwacwaclos ke kowos ac fahk kac uh. Kowos tiac kuh in fuhfahsryucsr ke ma Lehi el pahngon “inkacnek koluk”⁵ ac nuhkuh in kol mwet sahyac an nuh ke inkacnek “suwohs ac ohsrihksrihk”⁶ soko ah---tiac kuh in oreklac.

Tuhsruhk oasr sie inkacnek nuh suwos in kuhtanglah ma koluk lowos an oacna ke oasr inkacnek se nuh sin mwet intoe sacn ma kowos ac fah luti in kuhtanglah ma koluk lalos an. Finne suc kom an ac oacna sie ma kowos orwacлах an, e kuh in nuhna muhnahsiyuck kowos. Kowos nuh kwewa mukul fuhsr an kuh in fihliyac kuhtwena ma tahfonglac ma kowos tihkuclkucl kac. Pa “ma usrnguck ke eis nuhna muhnahs uh,” ma usrnguck ke Iwacлах luhn Jisus Kraist. Tuhsruhk kowos tiac kuh in oruh fin wacngihn otwelah fokoko nuh ke wosasuc , ac kowos tiac kuh in oruh fin wacngihn auliyak ke ma enenweyuck an. Nga siyuck suwos mukul fuhsr an in fokoko ac in nwacsnwacs. Fin enenweyuck, nga siyuck suwos in *oruh* in fokoko ac *oruh* in nwacsnwacs.

Tamuhlwel, kuht sramsram fakfuck nuh suwos ke srihpen ma nuh kwewa ma sesahlah in wo uh kwacna orekma. Kuht sramsram fakfuck ke srihpen Setuhn el mwet na pwacye se ma ahkolah in kuhnaus kowoslac, ac kowos sun mokleyuck lal ke matwac fuhsr se. Oruh kuht sruok kowosi ke kala lowos an ac sasa lihksrweni oacna ke ma kuht etuh uh:

*Lohacng! puhsrwen mweun uh kuh in lohngyuck ac kahlwem;
Fahsruh welah u uh! Fahsruh welah u uh!*⁷

Kawuck fuhsr luhk an, kuht enenuh pac tausin ke misineri ke mahlwem ac yac fahsruh uh. Misineri pucspucs enenuh in tuhkuh ke sie pihsac luhlahp ke Aaronic Pristut ma ac fah akmuhsraiuyucklac, fokoko, nwacsnwacs, ac suwohswohs in kuhlwaconsap.

Nuh suwos suc ma kuhlwacnsapuh sie misin tari kuh ma kuhlwacnsap ingena an, kuht kuloh nuh suwos ke ma wowo kowos orwacalah an ac ke moul ma kowos puhsrallah an. Insewowo nuh suwos! Kuht akihlen pac lah oasr kuhtuh suc oasr finsrak moul lalos nohfohn in kuhlwacnsapuh misin uh tuhsruhk, ke srihpen elyah luhn mahno kuh kuhtuh pac ma oruh in upac nuh ke kuhiyaclos an, tiac kuh in kuhlwacnsapuh sie misin. Kuht ahkfuhlwactye ac yuckihn u se inge. Kuht etuh kena lowos an, ac kuht kaksakihn kwacfeacng lowos an. Luhngse ac nuhna lasr uh oasr yuruwos. Kowos “oasr ke u uh” ac fah wi pacl nuh kwewa, kowos finne ahkfuhlwacteyuck in itucklac liki kuhlwacnsap ke lwen nuh kwewa uh. Tuhsruhk kuht enenwe kowos nohfohn!

Ingena, kowos tamuhlwel ke Melchizedek Pristut an. Nimet isrwacsr srihsrihk ac muhta funglac ke woikoac luhn siyah lowos an. Nga soenna sahflah ke sramsram uh. Kuht enenuh siyacnyacn tausin pac in kuhlwacnsap ke misin luhn Alu uh. Prestuhn luhn misin nuh kwewa ngihstre in puhseni siyacnyacn suhpweyucklac nuh ke misin lalos an. Acn nuh kwewa ma elos kuhlwacnsap we uh, siyacnyacn lasr uh use inkaiyaclos nuh ke orekma ma wacngihn luhn matwac yac 19, finne ke woiyaclos, kuh in sang.

In ahkkweye kuhtuh pac siyacnyacn an in kuhlwacnsap, Prestuhnsi Se Met ac U luhn Mwet Sap Singucul Luo uh orwacalah sie sulacalah na suwohswohs ac pwacr in kahsrh emet ke orekma luhn misineri uh ke yac 50 somlah ah. Ke Mei ke yac inge mwet kol pristut ke acn orekma uh eis sie mwe fahkwack lah moli lohm nuh sin siyacnyacn uh (ac kuht sramsram *muhkwena* ke molin lohm) fah ahkyohkyeyuck ke mani luhn misineri ke Alu uh fin molo sacn sang sie luhpah etweyuck ke kais sie mahlwem. Fuhkah insewowoyac! Ma inge pa mwe kahsrh suhpweyuckme inkuhsrao nuh sin kais sie siyacnyacn lasr inge in sun ke misin lalos uh. Tamuhlwel uh oacyacpac nuhkuh lah siyacnyacn ke misin sacn kuh in muhta mahlwem 6 kuh 12, oacna ke ma muhta orek uh mahlwem 18 kuh 24. Ke sie pac akucl wolacna, ituckyang lwelah nuh sin siyacnyacn, ke mani lalos sifacna, in fohlohk nuh lohm selos ke ma sikyak yohk srihpac luhn sucu an. Ac tui in elyahkih nuh kowos fah enenuh in tongtong ke sruhnguhl an kuh oruh pacna pacl an oacna matwac yac 19 an! Kuht tiac ngihstre kowos in oruh ma ingacn tuhsruhk oasr pac ma pucspucs sahyac kowos kuh in oruh, ac e fah oasr sukohsohk puhkantwen lowos in sulacalah ohiyacn oruh lowos kac an.

Tamuhlwel, kuht akihlen lah kuhtuh suwos tiac kuh in som nuh ke sie misin ingena, ac sahp tiacna kuh, ke srihpen kuh in mahno wo ac fal, sucu, kuh srihpac luhn acn an. Tuhsruhk ke kihtin plwacn inkaiyowos kuh in som oruh sie misin.

Pisap ac prestuhn luhn stek an, sramsramkih enenuh se inge yurin mwet in kahsrh lowos an ac ke toeni an. Muhta emet ke miting lom an ac pruhe in liye mwet alu an ke atacn mwet ma enenuh in eis sie pahng an. Na sang kaks in kahsrh nuh selos ac kahsrwelos orwacalah sie lwen in misineri kuhlwacnsap lalos. Tamuhlwel, ke ma ingacn sikyak uh, fahk nuh sin muhtwacn kiyowos an lah kowos fin kuh in som liki siyah fihsracsrsracsr lowos an ac remote in tifi an ke lusen mahlwem fototo, muhtwacn kiyowos an kuh in som liki tuhlihk nuhtin nuhtuhlos an. Tuhlihk srihsrihk kahto ingacn ac fah wo nuh se, ac nga olwelah lah kowos fah oruh ma nuh selos ke kuhlwacnsap luhn Leum ma, facl wacngihn sahflahiyac se, kowos tiac kuh in oruh kowos fin muhtana lohm ah in eis pacl yohk lalos yohrohlos. Pahpah ac ninac mahtuh uh tiac kuh in sang

sie mwe sang wolacna nuh sin fihl nahtuhlos an likina in fahk ke orekma oacyacpac ke kahs, “Ke sucu se inge kuht kuhlwaconsapuh misin uh!”

Orekma luhn misineri uh tiac ma sefanna ma kuht enenuh in oruh ke Alu wolacna, yohk ac sralwacp se inge. Tuhsruhk apkuhran in ma nuh kwewa sahyac ma kuht enenuh in oruh uh wiwina lohng emet luhn mwet uh ke wosasuc luhn Jisus Kraist ac welah Alu uh. Pwacyena lah oruh sap sahflah luhn Jisus nuh sin Mwet Singucul Luo ah arlac fihswacsr---“kowos in som, ac luti facl nuh kwewa, pacptaiseluhloslac ke inen Pahpah, ac ke Wen, ac ke Nguhn Muhtahl.”⁸ Tukun na sikyak ma ingacn, mwe insewowo sahyac ke wosasuc uh tuhkuh---tuhkweni luhn sucu, prokracm luhn mwet fuhsr, eisyacn pristut, ac akwuck ma kol kuht nuh tempuhl uh. Tuhsruhk oacna ke Nephi el fahkwack ah, ma ingacn tiac kuh in tuhkuh nwe ke sie “utyak nuh . . . motonoac uh.”⁹ Ke srihpen ma nuh kwewa ma enenuh in oreklac nuh ke inkacnek in moull ma pahpaht uh, kuht enenuh in puhs misineri in ikucslah motonoac sac ac kahsrüh mwet sahyac uh in utyak.

Nga siyuck mukul nuh kwewa ma sruok pristut uh, kwewana mukul mahtuh ac fuhsr, in fokoko na ac kampare in tiac puhsra in lain ma koluk muhkweni ac in pa mwet in ayaol se kac an, tuhsruhk in oacyacpac sie puhsra ke ma wo, sie puhsra ke wosasuc, sie puhsra luhn God. Tamuhlwel ke matwac nuh kwewa, tuhlahlah lohuwos ac liye usrnguck ke orekma lom ke moull lalos “suc tiac etuh ma pwacye uh ke srihpen elos tiac etuh in konwacack.”¹⁰

Silahklahk nuh ke mweun, silahklahk nuh ke acn an;

Ma pwacye pa susu, ac mwe loang lasr.

Tu sisen fuhlwick lasr; puhlaik elos pounset!

Kuht engan yohk, engan fahsr nuh inkuhsrao. 11

Ke inen Jisus Kraist, Mwet Kol Fuhlwick lasr, amen.

Mwe kahsrüh an

1. Joseph Smith---History 1:15.
2. “We Are All Enlisted,” *Hymns*, no. 250.
3. Liye Doctrine and Covenants 84:44; liye pac Deuteronomy 8:3; Mattu 4:4.
4. *Lectures on Faith* (1985), 74.
5. Liye 1 Nephi 8:28.
6. Liye 2 Nephi 31:18.
7. *Hymns*, no. 250.
8. Mattu 28:19.
9. Liye 2 Nephi 33:9.
10. Liye Doctrine and Covenants 123:12.
11. *Hymns*, no. 250.